



Dus ustiers cun dus cussegliers guvernativs. (da san.) Claudio Bernasconi, Christian Rathgeb, Andy Abplanalp e Hansörg Trachsel.



Annalisa Giger, la presidenta actuala da la Gastro Grischun flancada da deputà Urs Marti (san.) e Fluregn Fravi, mainagestiun da l'uniun dals ustiers grischuns.

# Be il meglier ed il pli bun

100 onns Gastro Grischun

DA GION NUTEGN STGIER/ANR

■ **L'inscunter cun deputadas e deputads è er ina part da la festa da giubileum da l'uniun, che reunoscha ils ustiers da noss chantun. Quella acziun cun il «lunch» cuminaivel è stada ina da las davosas occurrenzas da las festivitads da giubileum.**

La Gastro Grischun è ina da las grondas associaziuns professiunalas da noss chantun, cun bunamain 1000 commembers. Fundada era quella organisaziun vegnida avant 100 onns e quai sco Uniun dals ustiers grischuns. Quel mument che la federaziun naziunala dals ustiers ha midà ses num tar la Gastro Suisse ha er l'uniun grischuna fatg quai, cun il num Gastro Grischun. Las festivitads dal giubileum han cumenzà a l'entschatta d'avrigl da quest onn cun numerusas occurrenzas da gala e e quai en divers lieus dal chantun. In dals puncts culminants da l'onn da giubilum è lura bain stà il zercladur passà, cura che la Gastro Suisse ha salvà sia radunanza da delegads a Flem. Ussa stattan las davosas occurrenzas da l'onn giubilar sin il program ed ina da quellas è stada marde a Cuira. Per mezdi avevan ils ustiers grischuns envidà deputadas e deputads ad in «lunch» cuminaivel.

**Buns discurs**

Annalisa Giger, l'ustiera da Mustér e da preschent al timun da Gastro Grischun ha beneventà cun plets empernaivels las commembras ed ils commembers dal cussegl grond al gentar. Aposta per quel è vegnida transformada ina tenda en in restaurant e vegnidas en las parlamentarias ed ils parlamentararis en rotscha. Annalisa Giger ha ditg che quel inscunter cun in «lunch» cuminaivel saja stà ina buna occasiun da vegnir pli datiers a la politica. Durant ils discurs bilaterals han ils 70 ustiers er pudì far attent deputadas e deputads als problems actuals dals travagls gastronomicos en noss chantun. In auter aspect saja er stà la tgira dals contacts cun deputadas e deputads ed er

da meglierar quels. Adina puspè saja Gastro Grischun er dependent da la politica e per quel scopo saja l'inscunter cun deputadas e deputads da gronda impurtanza. Envidads al «lunch» en lura er stads ils parlamentararis che represchantan il Grischun a Berna. Gastro Grischun è stà pli che be generus cun ils ustiers, cun servir be il meglier ed il pli bun da la cuschina e dal schler.



Da la partida al «lunch» è er stà cusseglier guvernativ Mario Cavigelli (san.) e deputada Gaby Thomann da Parsonz.



Deputà Gian Michael (san.) cun Linus Arpagaus, in dals megliers cuschiniers dal Grischun.



Bunas tratgas cuschinadas da l'ustier Horst Salutt da Cuira, per ils deputads Maurus Tommaschett e Franz Sepp Caluori (da san.).



Da buna luna è qua il deputà Robert Heinz e quai cun Georgette Dedual, la secretaria da la Gastro Grischun (san.) e l'ustiera Karin Hersche da Savognin.



In deputà ed ina deputada da la Surselva cun in ustier da Flem ed ina ustiera da Sursaiisa. (da san.) Adrian Steiger, Silvia Casutt, Roland Häfliger e Fabia Caduff.



Ina grupp da deputads cun ina cuschiniera e cameriera. (da san.) Cristiano Pedrini, Gian Peter Niggli, Daniel Albertin e Paolo Papa.



Dus ustiers engiadinas da renum naziunal cun in deputà engiadinais. (da san.) Ruedi Duschletta, Christian Hartmann e Rudolf Pazeller.